



**Corpus Juris Canonici, Per Regulas Naturali Ordine  
Digestas, Usuque Temperatas, Ex Eodem Jure, Et  
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac  
delectu, in contrariis conciliatione, eximium, simulque Indicibus ac  
Præfationibus, Notisque quamplurimis & exquisitis illustratum, ; In Tres  
Tomos divisum

Complectens Prolegomena Ad Jus Canonicum In Se Et Universim  
Consideratum

**Gibert, Jean-Pierre**

**Coloniæ Allobrogum, 1735**

Quæst. I. De præcedentibus citationem.

---

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

Exceptionibus. Exceptio Prioris restringenda erat ad casum, quo Actor assensum præbet alienationi rei litigiosæ, pro aliâ ejusdem preti: cum enim contendat illam esse suam, jure conqueritur, si Reus illam sine consensu suo alienaverit; quippe, quæ sibi forte magis placeat, quam res subroganda. Reg. 27. in 6. in sensu contrario accepta hanc considerationem confirmat: scienti & consentienti non fit injuria sive dolus. Indè partim nata est Regula, ne lite pendente quid innovetur.

Secunda Regula pertinet ad Sequestrationem rei litigiosæ; de quâ dicitur, eam non habere locum, nisi in casibus in Jure expressis: duorum qui referuntur; nempe, dissipationis & appellationis executionem suspensentis; prior limitatur, posterior minimè: restrictio est in favorem Possessoris Triennalis in Quæstione de Beneficio. Hic probatur id, quod diximus, Replicationem sub Regulâ reponere, vel Exceptionem Exceptioni generali imponere.

Agendum erat de missione in Possessionem ad custodian rei litigiosæ, quæ est Depositio species, ad ejus conservationem inventa, ut Sequestratio, à quâ non differt, nisi quis haec sit in manu tertiarâ, illa verò datur uni è Litigantibus. Non refert missione hanc esse Actum Judicarii: ejusdem conditionis est Sequestratio. Nec etiam refert, missione hanc esse penam contumacia Judicaria; nam Sequestratio est etiam pena dissipationis fructuum & fundi lite pendente.

#### OBSERVATIONES in CAP. VI. de CITATIONE & CONSEQUENTIIS ipsius.

Autor absolutâ disputatione de Personis, quæ Judicium constituit, & de Re litigiosa, transit ad Actus Judiciorum, monetque nonnullos præcedere Contestationem Causæ, nempe, Citationem, Contumaciam, sive Absentiam Rei, Libelli Oblationem, Dilations, Exceptiones Dilatorias, & Reconventionem. Tum de Citatione loquitur, circâ quam discutit ejus præcedentia; modum eam significandi; effectus ejus, seu consecratio; ubi de Edicto peremptorio differit, & Quæstionem in Regulas, Exceptiones & Replications distribuit.

#### QUÆSTIO I. de Precedentibus CITATIONEM.

Quod dicit n. 1. exolevit post abrogationem Servitutis. Libertus egebat libertati Judicis, ad revocandum in Jus Patronum, aut Patronam, ejus Parentes, aut Liberos. Exceptio Prima inepta est; nam qui Litteris Principis libertatem consequebatur, eam non debebat Domino pristino; proinde ratio hujus venie cum non comprehendit. Idem est de Secunda, nam Libertus Collegii, non est Libertus privatorum, ex quibus Collegium coalescet. Quod dicit n. 2. pertinet ad Citationis adjuncta, aut Citationem ipsam, sive ipsius formam.

#### QUÆST. II. de modo Citationis facienda.

Hic locus erat Edicti peremptorii, quod est *Citatione* tenens locum trium vulgarium, & quâ Citato tantum temporis datur, quantum tribus vulgaribus. Citationi significari debebat Personæ, si praesens erat, vel ejus Domicilio; aut Ecclesiæ, cum absens erat. Haec circumstantia omittuntur ab Autore.

#### QUÆST. III. de Effectibus, & de Edicto peremptorio.

Quæstio hæc, qui inseritur Edictum peremptorium, paululum implicata est: eam perspicue tractare potuisse, omnia reducendo, 1. Ad absentiam involuntariam, qualis est absentia Rei, quem legitimum

Impedimentum sive Morbus, aut Captivitas, aut Peccatis distincte &c.

2. Ad absentiam voluntariam, quæ sit vel cum justâ causâ; qualis est incompetencia Judicis, aut dissentia major, quam legitima; vel Locus ob Bellum, aut Pestem, aut incursionem Barbaricam, seu Latrocinia, aut inundationem, non securus; vel Dies indebitus, aut prohibitus.

3. Ad absentiam justâ causâ destitutam, quæ Contumacia propriæ dicitur, & talis est, quoties Citatio valida est, & citatus nullo impedimento legitimo distentus, aut excusatione fretus non comparet.

4. Ad personas Contumaciam, nempe hinc missionem Actoris in Possessionem, vel Excommunicationem Rei, si hic contumax sit; indè absolutionem Rei, si Actor sit contumax.

5. Ad Effectus Citationis legitimi: quam Jurisdictione prorogatur, seu conservatur; ita, ut si Citatus in alium locum se conferat, Jurisdictioni Citantis, omnino semper maneat, & comparere teneatur statim, ac poterit, & proinde si legitime impeditus fuerit, statim atque impedimentum sublatum fuerit.

6. Ad Personas, quibus non licet alias vocare in Jus, & eas, quæ vocari non possunt; de nonnullis utriusque generis dictum est in QUÆST. IV.

#### OBSERVATIONES in CAP. VII. de LIBELLI OBLATIONE, & de EDITIONE INSTRUMENTORUM.

Tres priores Regulæ Prima Partis ad unicam contrahi potuerint, quam diceretur, Libellum in Scriptis fieri debere: non requiri hodiè, ut nomen Actionis in eo exprimatur; sed Factum ita exponentum esse, ut noscatur quenam illa sit, & ipsius causa.

4a. Est illarum Consecutio; nam cum omne Jus Actoris ex ejus Actione pendeat, sequitur, absolucionem esse Reum, si illa non sit congrua,

Quod dicit in Secunda Parte, Reum non teneri ad edendum Actori Instrumenta sua, nisi agatur de Instrumentis utriusque communibus, & hoc in Casu sufficere, ut edat illa, quæ ad item spectant, ad Caput XIII. pertinet, in quo de probatione per Instrumenta differitur.

#### OBSERVATIONES in CAP. VIII. de DILATIONIBUS.

Exordiri debuisset Autor à distinctione duplicitis generis Dilationum. Aliæ sunt à Jure, & quoniam à Justice non pendent, Causæ cognitionem non requiriunt: earum duratio in Jure determinatur, nec non casus, in quibus locum habent.

Aliæ sunt ab Homine, & harum concessio pertinet ad Judicem, qui durationem ipsarum præfigere debet, habitiæ ratione Circumstantiarum, causæ, Personarum, & Locis. Cum causis, in quibus Dilations à Jure dantur, earumque duratio præscribitur, paucissimi sint, vulgo dicitur, Dilations esse arbitrarias, non quod eas ad libitum dare possit, sed ea pendent ex ejus voluntate per Regulas Juris temperata: horum casuum magna est copia, & tot sunt, quot sunt Actus Judicarii, in quorum singulis Litigantes indigere possunt Dilatione. Illi numerantur apud GONZALEM in Cap. 4. de Dilatione.

Dilations nec breviores, nec diurniores esse debent: haec nocent Actori, cuius petitionis effectus tardatur; illæ Reo, qui tempore ad parandas defensiones indiget. Idecirco longiores dandæ sunt Reo, quam Actori, qui item meditatus, eam inchoare non debui, nisi post adeptas Actionis probationes.

Quamvis, juxta consilium Autoris supra expostum, hic loqui debuisset tantum de Dilationibus, quæ contestatione militis præcedunt, de cæteris tamen differit, & cum his permiscet, sicut alia multa in his Notis observata, quæ eò magis necessaria videntur, quod